


O LE AMATAGA

O LETALALELEI




“Ua tuuina atu Ioane i le falepuipui, ona maliu
atu lea o Iesu i Kalilaia, ua tala’i atu i ai le
talalelei i le malo o le Atua, ua faapea atu, Ua
oo mai ona po, ua latalata mai le malo o le
Atua; ina salamo ia, ma talitonu i le talalelei’ ”
(Mareko 1:14, 15)

O le talalelei a Mareko o le tusi puupuu lea o tusi o evagelia e fa o le talalelei, o loo faamatala ai le soifuaga o Iesu.

O se tala vave, e mata'alia, e malosi, ma faamauina. O se ata faasolo e emo ane i luma o la tatou vaai. E le mafai ona e misia soo se faamatalaga, aua na o mea taua moni lava o loo aofia ai.

I se faapuupu'uga, o Mareko o se talalelei lea mo le 21st seneturi, lea o le a tutupu faavavevave ai mea uma, faapei ona tusa o le taimi ma le tupe. Sei o tatou faaaogaina lea lava taimi ia aoaina ai se mea e sili atu le taua: "O le talalelei ia Iesu Keriso, le Alo o le Atua" (Mareko 1:1).



▶ O le tusitala o le talalelei:

- Faatoilaloina o se tala'iga
- Faaogaina mo le galuega

▶ O le amataga o le talalelei:

- O le sauniuniga – Mareko 1:1-8.
- O le papatisoga – Mareko 1:9-13.
- O le feau – Mareko 1:14-15.



O LE TUSITALA O LE TALALELEI

FAATOILALOINA I LE TALA'IGA

“Ua toe foi mai Panapa ma Saulo nai Ierusalema, ina ua uma o la la’ua feau, ua latou o mai ma Ioane ua igoa ia Mareko” (Galuega 12:25)


E faapei lava o le au faievagelia uma, e lei ta’ua e Mareko lona lava igoa. O ia lava o se tamaititi ina o tutupu ia mea sa ia faamatalaina, atonu na ia a’oa’oina mai e ala i lana mafutaga vavalalata ma le aposetolo o Peteru (1Peteru 5:13).

O le tina o Ioane Mareko (Maria) sa ia umiaina se nofoaga i Ierusalema, na faaaogaina e le ekalesia e faapotopoto ai ma faia a latou talosaga, i le taimi a’o faafalepuipuiina Peteru (Galuega 12:12).

E lei umi lava, ae ave loa e Panapa ma Saulo Ioane Mareko i Anetioka (o e na o atu i Ierusalema e aumai se taulaga) Ioane Mareko i Anetioka (Galuega 12:25).

I Anetioka, ina ua valaauina e le Agaga Paia Panapa ma Paulo e avea ma misionare i Nuuese, sa la ave faatasi ma i la’ua o Ioane Mareko, o se tasi latou te galulue faatasi (Galuega 13:2-5).


Peitai le olaga faamisionare na faamaonia le matua faigata mo le talavou o Mareko, o lē na filifili e toe foi atu i Ierusalema (Galuega 13:13).



E AOGA MO LE GALUEGA

“Na’o Luka o loo ia te a’u. Ia oulua o mai ma Mareko; aua e aoga ia iā te a’u i le galuega” (2Timoteo 4:11)

Ina ua ta’u le malaga faamisionare lona lua a Paulo, sa ia musu e talia Mareko o se la te galulue faatasi (Galuega 15:36-38). Sa manaomia e Paulo ni fesoasoani malolosi, o e o le a lagolagosua, ae le o se avega. Sa manatu Paulo e lei talafeagai Mareko ma lea tulaga.





Peitai, na mautinoa e Panapa ua lava le agavaa o Mareko le atalii lenei o lona uso, e avea ai ma se misionare lelei. O lea na ia ave ai Mareko faatasi ma ia i Kuperu, a’o malaga atu Paulo ma Sila i Asia (Galuega 15:39-41).



Tatou te le iloa poo le a se mea na sosoo ai, ae ua tatou iloa na sa’o lava Panapa. E ala i ni mau se tolu na ia ta’ua ai o ia i ana tusi, na manatu ai Paulo ia Mareko e “aoga mo le galuega,” o se tagata aoga latou te galulue faatasi (Kolose 4:10; Filemoni 24; 2Timoteo 4:11).

Faafetai i lenei avanoa lona lua ua tatou maua, ua mafai ai ona tatou olioli i le tala fiafia o le talalelei a Mareko i ona aso nei.





O LE AMATAGA O LE TALALELEI

O LE SAUNIUNIGA

“Ua tala'i atu ia ua faapea atu: “O loo mulimuli mai le tasi, e silisili o Ia iā te au, ou te le aoga a'u e punou ifo ma tatala le nonoa o Ona seevae” (Mareko 1:7)




Na amata le talalelei a Mareko i le faalauiloaina mai i a'i tatou le saunia e le Atua o le savali a Lona Alo (Mareko 1:1-2; Malaki 3:1). Na amata mai lea savali i lotoa faale-lagi, ma o le a tuuina atu ai Iesu Keriso i le satauro, ina ia toe talia mai ai i le Lagi (Mareko 16:19).

I le saunia o lenei auala, ua filifilia ai e le Atua Ioane le Papatiso, o le “leo o loo alaga i le vao” (Mareko 1:3; Isaia 40:3).



A'o lei amataina e Iesu o Lona misiona ina ia tuuina mai o Lona soifua mo i tatou, na muamua atu Ioane ia saunia lotu o tagata ia ta'ina i latou i le tāua o le salamō ma valaaulia i latou ina ia papatisoina (Mareko 1:4-6).

Na ia saunia i latou ia talia le Alo o le Atua: e silisili atu o la nai lo Ioane lava ia; e sili atu lona tāua; ma o le a la papatiso atu ia te outou i le Agaga Paia, ma e sili atu ona aoga ia te outou lea lava papatisoga (Mareko 1:7-8).



O LE PAPATISOGA

“O ona po ia ua maliu atu ai Iesu mai Nasareta oi Kalilaia, ua papatisoina foi o Ia e Ioane i Ioritana” (Mareko 1:9)

Na amata e Iesu Lana misiona i se auala mata'ina: Na faailoa mai e le Atua le Tamā o Ia o Lona Atalii, ma o le Agaga Paia o loo faaalua mai Lona auai faatasi mai i le tino (Mareko 1:10-11). Mai lava i le amataga, na faailoa mai ai Iesu o le tagata paia, o le Alo o le Atua. Ae o loo faailoa mai o Ia foi o le tagata soifua:



Na papatisoina o Ia e Ioane, ae le o se isi itu (Mareko 1:9)



E taitaiina o Ia e le Agaga (Mareko 1:12)



E manaomia le i ai na o Ia ma le Atua (Mareko 1:13a)



Ua faaososoina o Ia e le tiapolo (Mareko 1:13b)



Na feagai ai ma lamatiaga faale-tino (Mareko 1:13c)



Sa auuuna foi agelu ia te Ia (Mareko 1:13d)

O le auala leni o loo faailoa mai ai Iesu i a'i tatou: O Ia e atoatoa Lona paia o Ia foi o le tagata atoatao. O Ia o le Faaula ma le Uso, o le Alii ma le Faataitaiga. O le faaaliga atoatoa lea o le alofa o le Atua i tagata.

«O le mamalu o ia Keriso o se molimau lea o le alofa o le Atua mo i tatou. O loo ta’u mai ai i a’i tatou le mana o le tatalo—pau lea o le ala e mafai ai ona oo atu le leo o le tagata i le faafofoga’aga a le Atua ma talia mai ai a tatou talosaga i le lotoā o le lagi.... O le malamalama o loo pa’u mai i le faitotoa o matala i luga o le ao o lo tatou Faaola, o le a pa’u ifo lea i o tatou luga a’o tatou tatalo atu mo se fesoasoani e tetee atu ai i faaosoosoga. O le siufofoga na fetalaiia atu ia Iesu o loo faapea mai i agaga uma o e talitonu, “O Lo’u Atalii pele lenei, ua Ou fiafia lava ia te Ia.”»

EGW (In the Heavenly Places - God Has Chosen Me, January 20)

70 weeks = 490 years			
7 weeks	62 weeks	½ week	½ week
49 years	434 years	7 years	



O LE FE'AU

“Ua tuuina atu Ioane i le falepuipui, ona maliu atu lea o Iesu i Kalilaia, ua tala'i atu ai le talalelei i le malo o le Atua, ua faapea atu”(Mareko 1:14)

O ulua'i feau a Iesu o loo aofia ai ni manatu se tolu: (Mareko 1:15)

“Ua oo mai le taimi”

O se faasinomaga i le 70 o vaiasosa o le valoaga (Tanielu 9:24). Mai le poloaiga a Aretaseta, i le tausaga TLM 457, se'ia oo atu i le faauuina o le Mesia e 69 vaiasosa (f. 25). Na faatau-nuina lea i le taimi na papatisoina ai Iesu, i le TA 27. I le afa vaiaso mulimuli ane, TA31, na maliu ai Iesu (f. 27). TA34 na tatala ai le talalelei i Nuuese, ma muta ai le avanoa mo Israelu

“Ua latalata mai le malo o le Atua”

O se folafolaga e uiga i le feagaiga o le faaolataga ua amata ona faataunuuina.



“Ina salamo ia, ma talitonu i le talalelei”

O se valaau ina ia faia loa se vaega i le feagaiga, e ala i le taliaina o le faamagaloga e ala i le faatuatua ia Iesu

O la tatou feau i le taimi nei e aofia ai foi nei lava manatu e tolu: Ua faataunuuina le taimi; ua afio mai Iesu; ma ua tatau lava ona tatou salamō ma talitonu ia Iesu ina ia mafai ai ona tatou o faatasi ma Ia.

“O se mea na faamamafa i le tala’iga a Keriso o le, “Ua oo mai ona po, ua latalata mai le malo o le Atua; ina salamo ia, ma talitonu i le talalelei.” O lea feau o le talalelei, faapei ona tuuina mai e le Faaola lava Ia, e faavae lea i luga o valoaga. O le “taimi” lea na Ia faailoa atu ai ina ia faataunuuina, o le vaitaimi foi lea na faailoa atu e le agelu o Kaperielu ia Tanielu...

E faapei ona faalauiloa mai e le feau o le ulua’i afio mai o Keriso le malo o Lona alofa tunoa, na faapena foi ona faalauiloa e le feau lona lua o le malo o Lona mamalu. Ma o le feau lona lua, e faapei o le ulua’i feau, e faavae foi lava lea i luga o valo’aga.”